



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis, Et Breviarii Romani.

In quibus origo cuiusque Ritus, causae historicae, vel mysticae, ex maiorum ingenio, Theoria, Praxis, obligatio, & exquisitus vsus, additis opportune Decretis omnibus S. Rituum Congreg. quàm breuissimè explicantur.

Gavanti, Bartolommeo

Venetii, 1647

De Rubricis Missarum pro Defunctis. 18.

urn:nbn:de:hbz:466:1-9500

ritus Sanctus. Item in votiu de Apostolis, & in alijs Missis, in quibus dicitur, *A cunctis*, & tercia est ad libitum, non posse vñquam dici Oratio pro constituto in carcere, in qua nominatur Beatus Petrus. ergo vltra vicinorem accessoriam, quæ Commemorationem sapit, & debet esse diuersa à prima Collecta, nihil refert, an in alijs pure accessorijs, & remotioribus à prima, mentio de nouo fiat eorum, qui in prima, vel altera Collecta fuere nominati: qua concessa distinctione, certè nihil erit frustra positū in Missali Romano.

28 Prima tamen Oratio ex his votiis, nimirum, *ad poscenda suffragia Sanctorum*, non debet dici, quando dicitur, *A cunctis*, quia exdem sunt, ut ex titulo earumdem patet: poterit autem illa prima, *Concede*, dici in ea Missa, quæ habet secundam, *Concede*, de Beata Virgine, & admittit quinque, vel septem Orationes, suo loco congruo post Orationem tertiam, si propria sit assignata: vel poterit & à maioribus quandoque iubeti, ut dicatur, etiam in Duplicibus, pro re graui, & publica causa, sicut alia, *Deus refugium nostrum*, *& virtus*, &c. & his modis non erit superflua in Missali, qua de re acute dubitauere nonnulli. Auctor eiusdem primæ orationis nescitur; sed meminit Abbas Grimoldus in libro Sacramentorum apud Pamelium in Tomo 2. Liturgicon Eccles. Latine.

29 Orationis, *A cunctis*, iam dedimus auctorem, & declarauimus N. quod in ea habetur, pag. 21. addimus hoc loco, pro dignitate Patroni nominandi in illo N.

Ante Apostolos quandoque nominationem fieri, vt S. Michaelis, vel S. Ioan. Baptiste, ex Decreto Sac. Rituum Congregationis die 22. Augusti 1620. & ex Rub. Missalis sub Vrb. VIII. recogniti tit. de commemorationibus VII. n. 5. in fine.

30 Oratio pro seipso Sacerdote (quod supra docuimus pag. 21.) dici non debet in Missa, cui intereat proprius Episcopus, vel eo maior, vel Princeps magnus, ex Burchard. in Ord. celebrat. Missa: potius orandum est pro Prælato, seu Principe præsente, quod fit ob reuerentiam eorumdem maiorum. Habetur autem Collecta hæc in libro Sacramentorum Abb. Grimoldi cit.

31 Idem Abbas Grimoldus meminit ibidem Orationum, pro navigantibus, & ad humilitatem postulandam. reliquæ. pro Papa, Imperatore, Rege, Prælatis, contra persecutores Ecclesiæ, contra male agentes, ad pluuiam, serenitatem, repellas tempestates, pro peste animalium, petitione lacrymarum, tentatis & tribulatis, ad malas cogitationes repellas, ad continentiam postulandam, pro deuotis amicis, pro salute viuorum, habentur in Sacramentario Gregoriano. * At in oratione pro Imperatore, adde, electo, si nondum est coronatus, vt dictum est in Benedictione cerei Paschalis. est enim eadem utroque ratio.

32 Ultima pro viuis & defunctis cum duabus sequentibus tribuitur Augustino tamquam auctori à Durand. lib. 4. cap. 15. & idem affirmatur in Sacramentario Gregoriano.

De Rubricis Missarum pro Defunctis. XVIII.

Missa mortuorum imitatur triduanam Christi sepulturam. sicut enim in illo triduo, ita & in his Missis omnia laudis cantica subtiliterunt, & solemnitates omnes subtrahuntur, Durand. lib. 7. capit. 35. & nos iam multa diximus supra in Rubric. gener. parte prima, titulo 5. toto pagina 8. & parte 2. titulo 13. toto pagina 144.

2 Introitus constat duobus Versibus, Gauant. Rubr. Miss.

quod alias non fit, nimirum, *Te decet*, & *Exaudi Orationem*: vel quia secundus succedit in locum, *Gloria Patri*, vel quia opus Dei defunctis stolam binam animæ & corporis, Durand. lib. 6. cap. 52.

3 Offertorium habet Versum ad modum Responsorij; eiusmodi erat antiqua omnia Offertoria, ex Durand. lib. 4. c. 27. in quo scilicet explica illud verbum, *inferni*, idest, Purgatorij, qui est locus inferior, Q & non

& non differt ignis vtriusque loci, nisi in duratione, cætera conueniunt, & significant, ne Deus obliuiscatur animarum.

4. *Communio* etiam est vnica in toto Missali cum repetitione, & v. *Requiem*, vt in Responsorijs, ad instar antiqui ritus Ordinis Romani in quo, communicante populo, versus, *Communio*, cantabatur cum additione vers. *Gloria Patri*, & cert. *Microl. c. 18.*

5. Quis auctor *Sequentiae*? ex Auctore ligni Vitæ lib. 1. c. 70. S. Gregorius est; ex Stephano Proysthino lib. 1. de 4. nouiss. c. 5. S. Bernar. cuius initium, inquit ille.

Cum recordor moriturus,
Quid post mortem sim futurus,
Terror terret me venturus,
Quem exspecto non securus.
Terret dies me terroris,
Dies iræ, ac furoris,
Dies luctus, ac mœroris,
Dies ultrix peccatoris.
Dies iræ, dies illa, &c.

At hi quaterni sunt versus; reliqui terni; sed Bzouius Ann. 1294. num. 37. & 38. ex *Leandro Alberto*, eam tribuit Latin. Cardin. Vrsinio, seu Frangipanio, & idem est. Alij tribuunt alijs. Augustino de Biella Ord. Eremit. S. Augustini, qui erat in humanis Anno 1491. *Ioseph Pamphilus* in *Chronicis August.* ex fama tamen: qui etiam se legisse ait, in *Annal. Prædicorum*, F. Humbertum quintum Generalē Magistrum auctorem dici, qui obiit Ann. 1274. *Angelus Ellius in speculo spirituali*, facit auctorem in nominatum ex ordine S. Fracisci: nominatus autem Thomas de Celano (qui viuebat An. 1250.) à Barthol. Pisano, in conformitatibus D. Franc. lib. 1. fructu 11. cui ergo credam, nescio. mentio Sybillæ in 3. versu indicat recentiorem esse hanc Profam S. Gregorio, qui in suo Sacramentorum libro nihil prorsus Gentilitatis habet.

6. In die depositionis, & anniversario Summi Pontificis dicitur prima Missa. quia, quæ raro adhibentur, pretiosa reputantur, neque quotidiana vilescant consuetudine, *Amalar. lib. 3. c. 40.* & ideo Missa semel in anno constituta in commemo-

ratione omnium Defunct. dici iubetur in exequijs Summi Pontificis, & Episcop.

7. Pro Defuncto Cardinali eadem prima Missa dicenda est, mutatis Orationib. Rubrica quidem nō præscribit; sed vsus ita declarauit Rubricā; quia sunt Episcopis maiores. pro Diacono tamen Cardinali Oratione, *Inclina*, vt in Missali additis verbis: Diaconis Cardinalis.

8. Quid pro Sacerdote Defuncto? licet de eo Rubrica meminerit inter Defunctū Episcopū, & Cardinalem; non tamen iisdem equalē eum facit, & rationabilis consuetudo est in plerisque Ecclesijs majoribus Vrbis, vt dicatur Missa secunda, mutata Oratione, ratione cuius videtur in Rübrica prius de Sacerdote, quam de Cardinali, mentio facta fuisse: si tamen, dicatur Missa prima, sicut Rubrica in fine Missarum pro Defunctis, quæ concedit Epistolas, & Euangelia vnius Missæ dici posse in alia quacunque Missa pro Def.

9. *Oratione in tertio*, vel *septimo* dicenda, ex *Amal. lib. 3. c. 44.* dicitur ad celebritatem quandam in proprijs diebus, 3. 7. 30. vnde non debet dici in ijs diebus, qui occurrit inter tertium, & septimum, neque post septimum usq; ad trigesimum, in quibus dicitur Missa, vt in quotidianis: alijs esset mendaciū in Collecta, qui dies, sicut etiā anniversarius, numerari debent à die obitū, seu depositionis, vt patet ex collectis, in quibus fit mentio Depositionis. nā S. Ambr. ser. 70. accepit depositionis vocabulum, tam pro sepultura, quam pro obitu, licet Ecclesia videatur distinguiere inter obitū, & depositionem, in titulo 2. *Missa defunct.* si contendas distinguiri, numerabis hos dies à die sepulturæ, qua posteriori iure subiaceat Defunctus ecclesiasticæ curæ; vel sequere locorum consuetudinem, nisi testatoris verba aliud sonant. Fiunt vbiique anniversaria pro Defunctis extra diem præcīsum annum, & non incongrue cum propria Missa.

10. *Missa in die nono* non est amplius in vsu; & *August. in Genes.* nouemdale pro Defunctis redarguit. *Quadragenarium*. diem coluit S. Ambros. in obitu T heodafii, orat. de eodem. Alij alias dies, quos non pro-

probante Rōm. Ecclesia nō obseruamus amplius, exceptis exequijs Papalibus.

11 Sed pro prædictis Ecclesiasticis in tertio, septimo, trigesimo, & anniversario, quæ Missa quæ Oratio dicenda erit in his diebus repetenda est Missa, quæ dicta est in die depositionis, sicuti fit pro laicis in ijsdē diebus 3. 7. & 30. ex propria Rubrica. Oratio vero semper erit propria Episcopi, vel Sacerdotis, neque refert in eam fieri mentionem de 3. 7. & 30. & anniversario, nam eadem Oratio pro Papa dicitur in obitu, & in anniversario, nulla facta in ea anniversarij mentione.

12 Missa quoque est eadem in obitu, & anniversario Papæ, cur non etiam erit Episcopi? Cardinales autem eodem priuilegio mortis gaudent, quo Episcopi, & in huiusmodi functionibus post mortem sunt æquales extra prædictos dies, Missæ dicuntur, vt in quotidianis Defunctorum, cum proprijs Orationibus.

13 In titulo *Pro Patre, & Matre*, addita est vox, *Sacerdotis*. nam alias de Patre cuiusque non conuenit Oratio in ore Sacerdotis, vt patet audienti.

14 Missæ, quæ circumferuntur *S. Gregory pro viuis, & defunctis*; neque sunt

sanceti Gregorij, neque sunt approbatæ à Sancta Sede Apostolica, imo relectæ, ita ut neque in calce Missali retineri possint, ex Decreto Sac. Rituum Congregat. die 8. Aprilis 1628.

15 Pro eo, qui proximè obiit, longè ramen à nobis, prima vice potest dici Missa, vt in die tertio, omisso verbo tertium.

16 N. exigit nomen Defuncti, si tamen est nobilis, vel consuetudo sit nominandi omnes in Collecta, & Orationibus.

17 Habentur in *Sacramentar. Gregor. & Oratione, Fidelium Deus*, cum Secreta, & Postcommunione. in anniversario. Pro Episcopo, *Deus omnium fidelium*. pro Sacerdote, *Præsta pro Defuncto, Inclina, & Absolue*. Pro fratribus, *Secreta*, pro ijs, qui in cœmeterio tres consuetæ, pro pluribus defunctis, *Deus, cui preprin, & Animabus*, cum duabus seqq. reliqua sunt recentiores. ex quibus illæ dua, quæ pro Episcopo, vel Sacerdote additæ sunt, post eam utrique communem: *Deus qui inter Apostolicos, &c. conuenientius dicitur in ijs Missis*, in quibus per modum commemorationis dici debet Oratio pro prædictis ijsdem: vel certæ positæ sunt ad varietatem.

De Rubricis Benedictionum. XIX.

1 Benedictio hic sumitur pro prece, qua Ecclesiastico more rebus ipsis specialis sanctitas impertitur, ita ut in usus profanos illæ deinde transferri non possint. & aliæ quidem sunt constitutiva benedictiones: aliæ inuocatiæ, ex Caiet. 2.2. quest. 88. artic. 11. illæ quidem, per quas siue res, siue personæ diuino cultui destinantur, hæ vero sunt, per quas à Deo vel rebus, vel personis imploratur auxiliu diuinum. Primi generis sunt benedictiones aquæ, vestium Sacerdotialium, mapparum Altaris, Corporalium, & Vasculi pro sacra sancta Eucharistia, de quibus in Missali agitur; quia communes esse possunt simplici Sacerdoti priuilegiato, seu delegato, nedium Episcopo, seu Abbat. secundi generis aliæ sunt, *Agni in Pa-*

schate, ouorum, panis, nouorum fructuum, cuiuscumque comestibilis, candelarum, loci, domus nouæ, thalami, & nouenauis, quæ in Missali descriptæ sunt citra prædicium aliarum, quæ in Rituali Rom. habentur, quia hæ à quocunq; Sacerdote fieri possunt, & fieri sapienter contingunt; neque Rituale Rom. sicuti Missale, cuicunque facile suppeteret solet.

2 Origio harum benedictionum, quæ fit per verba sacerdotis, addito signo crucis, absque ullo dubio ab Apostolis est: neque desunt, qui in hanc causam illud Apostoli Pauli explicant. 1 Timoth. 4. Formam habe sanctorum verborum, que a me didicisti: sanctorum, hoc est, quæ sanare possunt creaturas, siue insensibiles, siue sensibiles.

Q 2 3 Ha-